



HORII HANQISA QARAXAATTI ERREGAMEE LIQEEFFATAMU HORII SIIFI DEEBI'UU MALE OFI HARKAA HINBAASIN

TAX REFUND LOANS - DON'T GIVE AWAY YOUR REFUND

Namoonni qaraxa qopheessan tokko tokko waan qaraxa irraa sii deebi'uu karaa ati daftee ittiin argatu sii malu. Warri kun liqii yeroo gabaabaa (Rapid Refunds) yookiin Liqii horii qaraxa irraa argamutti herregamee kennamu [Refund Anticipation Loans (RALs)] jedhamanii waamamu. Guyyaa muraasa keessaatti horiikee si argachiisuudhaafi si abdachiisu. Muddamtee maqaa horii callaatiin liqii otuu hin fudhatin, kan ati beekuu qabdu akka armaan gadiitti jira.

Qaraxikee akka siifi hojjetamuufi jecha liqii fudhachuu sinbarbaachisu. Qaraxakee tola hojjechiifachuu nidandeessa.

Liqiin deebi'ee kaffalamu **dhala guddaa fii adaba horii qaba.** Liqii \$1,500 torban lamaafi argachuufi gatiin (baasiin) itti bawu karaa 3n akkana fakkaata:

Gatiin liqii fudhatamee kaffalamuu (RAL)	\$75.00
Gatiin bu'aa "credit card"(Dhala 21%)	\$26.25
Hiriyaa yookiin fira irraa yoo liqeeffatame	\$ 0

Hamuma horiin siidebi'uufi malu baayyatu, horiin tajaajila kanatti bawus nibaayyata!!

Horii sii debi'uufi malutti herregdee yoo liqii fudhattee, dhuma irratti horii xinnootu siifi hafa.

Kan qaraxa baste keessaa sii deebi'u	\$ 1,500.00
Gatii qaraxii ittiin qophaawu	\$ -100.00
Gatii tajaajila liqii fii dhala isaa	\$ - 75.00
Kan ati dhuma irratti argattu	\$ 1,325.00



Liqeeffachuufi \$75, qaraxakee qopheesisiisufi \$100 kaffalteefi kan silaa tola hojjechiifachuufi jirtu.

Horiin siifi deebi'uufi malu ammas liqii garabiraa kaffaluufi jecha sirraa fudhatama. Horiin "Bank" yookiin "company" irra jira yoo ta'ee, horii sii deebi'utti erregdee unkaa Liqii Horii argachuufi maltuu yoo mallatteessitee, Warri sii liqeessan kun horiikee kana liqii sirra jiru kaffaluudhaafi horiikeetti fayyadamu. **Unkaa liqii sana mallatteessuun horri sii deebi'uu malee si hambisa.**

Waggaa waggaatti IRS galii qaraxa irraa deebi'u hinerrega (hin qorqora). Kankee qorqoruudhaafi yoo filatanii, horiin siideebi'uu malu yeroodhaafi IRSn qabamee tura "company" horii sii debi'utti erreege liqii siifi laatee, hamma IRS horii qabe gadi lakkisutti homaa argachuu hindanda'u. "Company" liqii sii liqeesse kun hammasitti dhala baayyee sitti herregata

AKKAMITTAN HORII NAA DEEBI'UUFU MALU HUNDASAA BAASII MALEE DAFEE ARGACHUU DANDA'A?

Wanta qaraxa kee irraa sii deebi'uufi jiru **tola** qopheessisadhu. Yeroo qaraxaa kana Minnesota keessa Fedhaan Galii Qaraxa irraa argamuu hojjechuufi Gargaarsa kan godhan (**VITA**) iddoo baayyeeti kurfaa'anii (banamanii) jiru. Qaraxakee tola sii qopheessu. Waajjiri tokko tokkommoo waan ati qaraxa keerraa argachuufi maltu kompiyutera irratti sii galmeessu. Naannoo keetti waajjira VITA yoo barbaadde, United Way 211 bilbili, Sadarkaa biyyoolessaa, yookiin magaalota lakkuu (Twin Cities) keessafimmoo yoo barbaadde (651) 297-3724 bilbili.

IRS wanta qaraxa irraa sii deebi'u kallattiin akka lakkoobsa herega Bank keetti sii galchu taasisi. Yoo komputeraan galmaayee turban 2 keessatti, yoo karaa mana postaa xalayaan ergamee, turban 4 keessati horiinkee lakoobsa herrega bankii keetti sii galuu qaba. Galiin qaraxa irra deebi'u sadarkaa biyyoolessaatti dafeetu kennama!

KAN QARAXAKEE SII QOPHEESSU SEERA HORDOFUU ISAA HUBADHU.

Qopheessitoonni qaraxaa warri liqii nagadan (yoo liqii irraa hinfudhattu ta'ellee) kan gochuu qaban:

- Waan ati qaraxa irraa deeffachufi maltu dafanii qopheessuu;
- Akka ati mallatteessituufi otuu sin gafatin jalqaba unkaa guutuu;
- Waan qaraxa irraa sii deebi'u ofi isaaniitin mallateessuu;
- Hafii (garagalchaa) waan qaraxa irraa sideebi'u sii lachuu;
- Hafii waan qaraxa irraa siideebi'u kan mirkaneessu waggaa 4 fi sii kaa'uu;
- Odeeffannoo dhimmakee ta'ee icitiitti qabuu;
- Tajaajila kennanii fii gatii fudhatan ilaalchisee amanamoo ta'uu;
- Horii sii deebi'uti heregdee liqii irraa hinfudhatu yoo ta'ellee waan qaraxa irraa ati argatu sii qopheessuu;
- Hanqisa qaraxaa (credits) fii hanqisa galii (deductions) ilaalchisee waan sii ta'uu malu falmadhu.
- Yeroo gaafattuti, galmee kee deebisaniisii sii kennuu (kan akka unkaa W-2)
- Gatii akaakuu tokkicha malee waan ati argachuufi maltu irraa %n akka sin kaffalchiisne.



Qopheessitoonni qaraxaa horii qaraxa irraa argamu abdatanii liqii kennanii waggaaatti dhalli dhibbantaa (%) meeqaan akka herregamu (APR), galiinke hamamiin akka hir'ataa adeemu fi liqii otuu hinfudhatin kan ati qaraxa irraa argatuu yeroo hammamii keessatti akka sii kennamu sirriitti si hubachiisuu qabu. Yoo tarii kaffaltiinke hintura ta'ee, dhala guddaa hinbaasta ta'uukee si akeekkachiisuu qabu. **Atii fii qopheessaan qaraxaa beeksisa kana mallateessuu qabdu.**

Qopheessaan qaraxaa waan kanaa gaditti barreeffamee jiruufi meeqa akka kaffaluu qabdu si beeksisa qaba:

- Deebii qaraxa irraa argamu hojjechuufi;
- Kompiyutera irratti galmessuufi;
- Liqii horii argattu irratti hundayee fudhatamu (yoo liqeeffatteefi)

Yoo qopheessaan qaraxa keetii seera kana hordofuu baatee, Kutaa Galiiwwan Minnesotatti (Minnesota Department of Revenue) gabaasa godhi. Mana murtii seeraattis geessuu nidandeesa. Yoo himata ke mootee, gati ati abukaattoofi baaste qopheessaa qaraxaa kanatu kaffala. Galii xinnoo qabda yoo taatee, lakkoobsa bilbilaa (612) 334-5970 yookii 1-(800) 292-4150 tiin Gargaarsa Seeraa (Legal Aid) waammadhu.